

lute fuscescentibus sub-seriatim nigro-pilosis, apice clavi maculaque majore apicali corii venam cubitalem pallidam includente dilute fuscescentibus; membrana limbo marginali areolae majoris areolaeque minore tota, vitta obliqua infra apicem areolarum striaeque infra maculam hyalinam ad apicem cunei positam fuscescentibus. Pedes pallide flavescentes, fuscescenti-pubescentes, tibiis spinulis subtilioribus et longioribus nigris armatis, punctis destitutis, tarsis articulo ultimo nigro.

11. *Oncotylus Reuteri* OSCH.

Diagnosis: Supra virescenti-sulphureus, nigro-pilosus, subtus virescens, abdomine nigro-piloso, antennis pedibusque sordidis, dense nigro-pubescentibus; corio vitta percurrente longitudinali fusca, membrana cum areolis totis infuscata, venis flavis, vena brachiali flavo-cincta, macula ad apicem cunei vittaque longitudinali disci apicem attingente hyalinescentibus; rostro apicem mesosterni attingente, articulo primo fere medium xyphi attingente; femoribus punctis nigris parcius adspersis, tibiis spinulis nigris e punctis minutis nigris nascentibus; tibiaram apicibus tarsisque fuscescentibus. Long. ♂ $4\frac{4}{5}$ mm.

Syn.: *Oncotylus Reuteri* OSCH. in litt.

Hab. in Turkestan (Taschkent!), D. OSCHANIN.

Descr.: Structura capitis et rostri articulo primo longiore *Pastocori Putoni* REUT. sat similis. Corpus oblongum (♂), supra virescenti-sulphureum, nigro-pilosum, subtus virescens. Caput (♂) flavo-virens, basi pronoti circiter $\frac{2}{5}$ angustius, valde nutans, antice visum leviter transversum, a latere visum altitudine paullo longiore, parte anteculari oculo latiore; vertice oculo circiter dimidio latiore, fronte declivi, clypeo angustius prominente, a latere viso fortiter declivi, gula fere in plano peristomii posita. Oculi fuscis, maris magni, in genas longe extensi, in capitis lateribus oblique positi. Rostrum apicem mesosterni attingens, sordide virescens, articulis duobus ultimis fuscis, articulo primo fere medium xyphi attingente. Antennae maris corpore cum hemelytris circiter $\frac{2}{5}$ breviores, sordide virentes, dense nigro-pubescentes, apicem versus fuscescentes, articulo primo clypei apicem paullo superante, intus atomis 2—3 nigris setiferis, secundo latitudine pronoti basali circiter $\frac{1}{5}$ longiore, lineari, duobus ultimis conjunctim huic longitudine sub-aequalibus. Pronotum sulphureo-virens, basi longitudine haud duplo latius, apice longitudine angustius, lateribus rectis, margine apicali leviter sinuato, disco apicem versus leviter declive. Scutellum flavo-virens. Hemelytra dilute sulphurea, pilis nigris sat adpressis dense pilosa, venis glabris, saturatius sulphureis; corio vitta longitudinali percurrente fusca; membrana dilutius fumata, venis flavis, vena brachiali flavo-cincta, areolis limboque externo usque ad apicem areolae majoris nigro-fuscis, macula ad apicem cunei apicem areolae minoris attingente hyalina. Pectus et abdomen virescentia, illud glabrum, hoc nigro-pilosum. Pedes sordide pallidius virentes, dense nigro-pubescentes, femoribus maris elongatis, punctis nigro-fuscis hic illic parcius adspersis, tibiis spinulis nigris e punctis minutis nigris nascentibus armatis,